

در سعادته یکی پوسته خانه قارشوسنده
 دائرة مخصوصه در
 محل ارايه:

مشرط القيم

انظار:

مسلكمزه مواتق آثار جديده مع المنويه قبول اولنور
 درج ايديلمين آثار اعاده اولنور

دين، فلسفه، ادبيات، حقوق و علوم دن باحث هفته لق رساله در

مؤسسلري: ابوالعلا زين العابدين - ح. اشرف اديب

تاريخ تأسيس:

۱۱ تموز ۳۲۴

در سعادته نسخه سي ۵۰ پاره در

تيريله دن مقوا بورو ايله كوندريليسره سنوي
 ۲۰ غروش فضله آلنير.

در سعادته پوسته ايله كوندريليسره ولايات بدلي اخذ اولنور.

سنه لکي	القي اياهي	در سعادته
۳۵	۶۵	ولاياتده
۵۰	۹۰	ممالك اجنبیه ده
۵۰	۹۰	غروشدر.

برنجی سنه

۳۲۶ ذی الحجه ۱۸ بازار ایرتسی ۲۹ كانون اول ۳۲۴

عدد: ۲۰

اسلام و ترك عالمی :

تورك درنگی

قوم نجیب توركك انقسام ابتدیی شعوبیله برابر بقای موجودیتی امرنده کی احتیاجات حقیقیه سنك نه کی شیلردن عبارت اولدیغنه دأر، لکن نسخه منزی روسیه ده کی دین قرداشلرمزدن ع. سونندك نام ذاتك مفید، عبرتبخش بر مقاله سی تزیین ایتیش ایدی. موضوع مقاله قومیتزك مسئله حیاتیه سنه تعلق ایلدیکده اولدینی جهته و طنزده کی ارباب اختصاصك نظردقترینی دعوت ایتکی وجائب جیتدن عد ایلش ایدك. اخیراً استبشار ایتدیگمزه کوره ذوات مشار الیهم امنیه معروضه پی تعقیباً، اسلامیتك تکملات دینه بشاریله خاطراتی ابدیاً حافظه آرای اهل ایمان اولان ایام مسعوده سنه مصادف اشبو عید سعید اضحانك اوچنجی صالی کونی، وطنك کزیده اولادینك منشای اولان بر مؤسسه عالیده، دارالفنون و مکتب ملکیه بناسنده تیناً اجتماع ایدرك، مرکزی دارالخلافهده بولنه حق اولان «تورك درنگی» نامیله بر جمعیت علمییه تأسیس ایلشلدرد.

جمعیت محترمه «تورك» دیه آکیلان قوملرك ماضی و حالده کی آثار، افعال و احوالی اوکرنمک و اوکرنمک چالیشه حق، یعنی توركلرك آثار عقیقه سی، تاریخنی، لسانلرینی عوام و خواص ادبیاتی، اتنوغرافیا و انتولوغیاسنی، احوال اجتماعی و مدنیة حاضرلرینی و تورك مملکتلرینك اسکی و یکی جغرافیاسنی تدقیق و تحقیق ایله اوغراشوب نتایجنی نشر و اشاعه یه چالیشه حق و مدار قوام قوم اولان وحدت لسانی تأمیناً توركجه نك ساده لشیریلرک کوزلشمه سنه صورت مخصوصهده بمنه الکریم اعتنا کوستره جکدر.

اشبواجتماعده جریان ایدن مذاکرات نتیجه سنده جمعیتك نظامنامه اساسیسی قلمه آلتیش و هیئت اداره اعضاسی انتخاب و واسطه نشر افکار اولق اوزرهده رساله من تنسیب ایلشلدرد.

صراط مستقیم، تمنیاتنك عهد قریبه حیز آرای حصول اولسی امکاتی کوستره جك آثار مشروحهدن طولایی اعلان بختیاری ایتمکله برابر، شومقصد عالی یه دائماً حصر موجودیتله افتخار ایدره و حقنده کی توجهات عالییه تشکرله، ادعیه موقعیته تردیفاً مؤسسین محترمه پی و بتون تورك عالمی تبریکه مسارعت ایلر...

قونفرانس

تورککلکه دأر

مقرری
ح. اشرف ادیب

مقرری
احمد مدحت افندی

استانبولده تحصیلده بولونانه «روسیه لی اسلام طلبه سی جمعیتی» نك دلالت معارفیردرانه سید، فونیه قرائتخانه سنده نورککلرک منشأ، اتنو غرافیسنه، دور استنبولده دأر حکیم و مورخ شهر احمد مدحت افندی

مضمرتلری طرفندره ویریلین قونفرانس در. مشارالیه مضمرتلرینك ده نظر نصیج فاضله لرندره کچمشدر.

[صحنه خطابتی ایلک تشریف ایدن مکتب ملکیه مأذونیتندن و مکتب حربیه لسان معلی قزانی موسی بك افندی شویله برنطق افتتاحی ایله احمد مدحت افندی پی جاعته تقدیم ایدیور:]

مملکتیز بیوک برانقلابه مظهر اولدی. بردوره مسعودیته کیردی. زمان سعادتده کی سربستی وجدانه مالک اولدق. بونك مشروطیت سایه سنده اولدیغنی ایضاحه حاجت بوق. جمعیات مختلفه تشکل ایتدی. نیچون؟ ترقی و تعالی اسلام ایچون. جمعیتلر مختلف اولقله برابر مقصدلری بر در. طبق علم ثروتنده کی تقسیم اعمال قاعده سی کی کوروله جك ایشلری تقسیم ایتشلردر. بر غایه یه یوریورلر. ساحه ترقی پی توسیع ایدرك یوریورلر. مقصدلری عثمانیتك، اسلامیتك تعالی و ترقیسنی تأمیندن عبارت. جمعیات مختلفه میاننده کوچو جك بر جمعیت ده «روسیه لی اسلام طلبه سی جمعیتی» در. بوجعیت بر قونفرانس اعطاسنه قرار ویردی. قونفرانك اعطاسیچون ارباب همه مراجعت ایتدی. قزانده، قریمده، ترکستانده، اقطار جهانده، بوجعیت نظرنده مقتدر محرریندن طائمش بر قاج ذات وار. بونلردن برنجیسی احمد مدحت افندی حضرتلری در. بوذات لسان عثمانی پی ساده لشیرمشدرد. ثانیاً: فنه خدمت ایتمشدر. ثالثاً: عثمانیغه خدمتده بولونمشدر. رابعاً: اقوام ترکیه یه دأر تبعده بولونمشدر. کتبخانه لر تشکیل ایدنه جك قدر آثار میدانده کتیرمشدر. بوسبیه مبنی قزانی اسلام شاگردان جمعیتی بوذات محترمی دعوت ایتدیلر. اوده قبول بیوردیلر. بو عاجز، شاگردان جمعیتی نامنه، تشریفلرندن طولایی تشکر ایدرم، کندیلرینی تقدیم ایله ده مقننر اولورم.

[احمد مدحت افندی کرسی خطابتی تشریف ایدیورلر. بیکارجده شبان ملتک شدتلی آلتیشلرینه متواضعانه، متشکرانه سلاملرله مقابله ایدیور. احمد مدحت افندی صندالی خطابتهده اوطوریورلر. اطرافنده تورك لساننه و تورکلکه عالم تبعاتلریله کسب اشهار ایدن ولد چای افندی، نجیب عاصم بك حضراتی کی اکابر مدققین و مؤلفین شرفبخش عرفان اولیورلر. بتون انظار مستمعین صحنه یه معطوف. بر ایکی دقیقه قدر مکث و توقفدن سوکرا مدحت افندی باشلا یورلر:]

افندیلرم! یکرمی بش سنه قدر مدتدنبیری بر معیشت مردم گزانه دن سوکرا شوکتلو مآلک قارشوسنده اثبات وجود شرفنه بنی مظهر ایدن «روسیه لی اسلام طلبه سی جمعیتی» نامنه عرض تشکر و امتداری ایلرم. بحمد تعالی اولاد وطن ایچنده بولونه رق بر قاج سوز سونلک شرفنه نائل اولدم. بویله بر جمعیت محترمه مبارکه قارشوسنده سوز سونلکه آلیشقین اولمدیغمز ایچون اول باول عفولرینی بوجعیت محترمه دن رجا ایدرم.

شیمیدی یه قدر بزم معیشتنر ذاتاً بر پارچه حق عزات گزینانه ایدی. بر زمان سوکرا بر برمنزی کورمک ایچون الله بولونان کوچک بر